


洗冤錄序



獄事莫重於大辟大辟莫重於初情初  
情莫重於檢驗蓋死生出入之權輿直  
枉屈伸之機括於是乎決法中所以通  
差令佐理掾者謹之至也爾年未州縣悉  
以委之初官付之右選更歷未來源錄然  
嘗試重所以作作之斯以偽吏胥之奸巧虛

幻變化尤不可詰從有敏者一心兩目  
亦無所用屯智而况達望而不親掩鼻  
而不屑者哉慈四叨臬寄他無所長獨  
於獄案審之又審不敢一毫慢易心若  
灼然知其為斯則亟與駁下或疑信未  
決必反覆深思惟恐卒然而行死者虛  
被勞漉每念獄情之失多起于發端之

差定驗之誤此原于歷事之沛逾博采

近世所傳諸書自內典忠錄以下凡數家

會而梓梓之釐而正之增以已見總為一

編名曰洗冤錄集是我同寅使得參詳互

考如京京師討論古法脉絡表裏知已洞

徹一旦按此以施鍼砭發無不中則其

洗冤澤物當與起死回生者同一功用



矣

淳祐丁未嘉樂節前十日朝散大夫新

除直秘閣湖南提刑充大使行府參議

官宋慈惠父序

聖士大夫或有序于兄同厚親亦庶幾出于此  
集之外者切望一片空錄賜以廣未備慈祥南

沈亮集錄

序

宋提刑  
新刻洗冤錄目錄

卷上

朝散大夫新除直秘閣直學士知樞密院事兼太子少師

一條令

二檢覆總說上

三檢覆總說下

四疑難雜說上

五疑難雜說下

六初檢

七覆檢

八驗屍

九婦人

十附小兒屍并胞胎

十四時變動

十一洗罨

十二驗未埋瘞屍

十三驗已殯殞屍

十四驗壞爛屍

十五無憑檢驗

去白僵死痺死

十七驗骨

卷之二十一

十六論骨脉要害去處

十九自縊

二十一勒死假自縊

廿一溺死

廿二他物手足傷死

廿二自刑

廿四殺傷

廿五屍首異處

廿六火死

廿六湯潑死

廿七服毒

廿九病死

三十鍼灸死

卅一劓口詞

卅二驗罪囚死

卅二受杖死

廿四 跌死

廿五 塌壓死

廿六 壓塞口鼻死

廿七 硬物癰疔死

廿八 牛馬踏死

廿九 車輪拶死

三十 雷震死

三十一 虎咬死

三十二 蛇蟲傷死

三十三 酒食醉飽死

三十四 築踏內損死

三十五 男子作過死

三十六 遺路死

三十七 死後仰臥停泊赤色

三十八 死後蟲鼠犬傷死

三十九 發塚

四十 驗隣縣死

四十一 辟穢方

四十二 救死方

四十三 惡客忤辜死



一 殺傷

二 胎動不安

五 驗狀說


宋提刑  
新刻洗冤錄目錄



題目陰文在  
每條首

聖朝續修新刻  
洗冤錄體式  
洗冤錄

初復檢驗本末



至正五年六月中書右三部契勘隨路稱冤重因多  
為初檢屍時司縣官不行親去監檢轉委巡檢或  
司吏弓手人等檢驗逐人到屍處亦不親臨監視  
止憑仵作行人口喝檢到傷損致命因依附口取  
責行人檢驗文狀復驗官吏檢驗不同暗行計問  
初檢人等抄錄初檢屍狀雷同回報本處官司又  
不照驗所檢實與不實憑准檢狀及准告人指執  
并捉事人涉疑詞因將所疑人鍛鍊須要承伏本

人不堪任問虛行招訖申到本路官吏看同常事

又不

**仔細**披詳所招中間有無冤抑止依先招取

訖招狀

**伏**結案由部由此致有冤枉據此若不遍行

緣檢屍傷致命因依及鞠勘重刑係關人命其害

非輕合

**下**不仰照驗今後檢驗屍傷委本處管民長

官畫時將引典吏并諳練刑獄正名司吏信實慣

熟件作行人不以遠近前去停屍處呼集屍親并

隣佑主首人等躬親監視令件作行人對衆一一

**仔細**

檢驗~~法~~屍應有傷損及定執要害致命因依

取件作行人重甘結罪並無漏落不實文狀檢屍

官吏保明委的是實回牒本處官司復檢官吏作  
作行人迴避初檢屍人等依上檢驗亦取行人甘  
結文字回報原委官司若長官有故委其餘正官  
檢視如承檢公文本處官司照勘所驗委的是實  
將被疑人研窮磨問如有宿食下落召保疎放若  
賊人贓仗明白委有顯證取犯人招伏追會完備  
對家屬審過無冤申報本路總管府經歷知事司  
吏人等將來解子仔細叅詳中間有無冤抑亦無  
可疑情節總府先行審過無冤再行取責所招情  
由府官公坐將囚人押領面對家屬將所招情罪

從頭一一對眾讀示再三審復委無冤抑取本人復辨家屬准狀結案開申無得違錯今為各路申到檢屍文狀不一立到體式隨此連去仰抄錄行下所轄州縣去處已後依式申報如有違錯定是取招治罪施行

屍首檢訖埋葬

至元十一年六月中書省兵刑部承奉中書省判送御史臺呈備山北遼東道按察司呈本道所轄北京等處遇有身死不明之人官司初復檢驗訖不行埋殮將屍起于棚樹棧閣以致風日曝吹蠹蟲



帖噉時值暑月皮膚裂破脂肉潰流熏觸天地神明見之無不感傷界司欲以改正如初後檢訖責付屍親埋瘞遇無屍親者責付地主隣佑權行收埋柩立對牌棘寫年顏形貌使行旅見後廣傳令屍親知而來認實愈棧閣以厚風俗事奉此本部議得依今按察司所擬是為便當呈奉都堂鈞旨送本部准呈仰依上施行

隣近檢復施例

大德元年六月江西行省據臨江路中檢驗屍首擬合行移隣境附近官司復檢萍鄉州抵接潭州路

體陵瀏陽等處界分係屬荊湖行省管領依上行  
移檢復展轉生受乞照詳事省府相應如果抵接  
別省地界中間不便行移本省所屬附近官司施  
行

官吏親臨檢屍

大德六年四月行臺札付監察御史奧敦丞事呈言  
內一件今後各有司凡有死情公事隨即差官初  
復檢驗其受差檢屍官承文字日不移時刻依例  
將引件作人更屍親隣佑行兇人等前往停屍去  
處檢屍官吏須要親臨已死人屍側監督件作人

對衆如法檢驗檢屍官吏與作作人等眼同仔細  
看視傷痕定驗端的致命根因依式開寫屍狀于  
定驗致命傷項下具說前項傷痕係檢屍官某人  
吏某人親視屍身令作作行人定驗別無不實重  
甘結罪回報外據復驗官吏人等回避初檢官吏  
作作行人依上檢驗其檢屍官吏並不許逗遛不  
即前去以致已死人身屍潰爛不堪檢驗及不得  
不行臨屍檢驗止憑作作行人口喝傷痕定驗致  
命亦不許復檢官就用初檢官作作行人及計囑  
初檢官吏通同回報檢屍文狀各道廉訪司常切

體察如有違犯者將檢屍官吏斷罪勒停以望檢  
驗得實大辟之獄易為鞠問不致冤抑得此憲臺  
議得仰行移有司依例檢驗如有違犯擬合斟酌  
所犯輕重斷罪施行

### 檢驗法式

某府某州某縣某處某年月日某時檢驗到某人屍  
刑用某字幾號勘合書填定執生前致命根因標  
注于後

### 一仰面

頂心

偏左偏右

額門

額顙

額角



兩太陽穴

兩眉

眉叢

兩眼胞

兩眼雙睛

兩腮頰

兩耳

耳輪

耳垂

耳穴

鼻梁

鼻準

兩竅

人中

上下唇吻

上下牙齒

舌

頤頤

咽喉

食氣額

兩血盆骨

兩肩甲

兩腋肢

兩脇膊

兩肱肱

兩手腕

兩手心

十指

十指肚

十指甲縫

胸膛

兩乳

心坎

肚腹

兩肋

兩脇

臍肚

兩膝

兩膝

兩腿

兩膝

兩臍肋

兩脚腕

兩脚面

十趾

十趾甲



一合面

腦後

髮際

耳根

項頸

兩臂膊

兩肘肘

兩手腕

兩手背

十指

十指甲

脊背

脊脊

兩後肋

兩後脇

腰根

兩臂

兩腋

兩腿

兩肱

兩腿肚

兩腳跟

兩腿跟

兩腳心

十趾

十趾肚

十趾趾



一對衆定驗得某人委因

致命

一檢屍人等

正犯人某

干犯人某

干證人某

地隣人某

主首某

方里正某

屍親某

作作行人某

右件前項致命根因中間但有脫漏不實符同捏  
合增減屍傷檢屍官吏人等情愿甘伏罪責無辭  
保結是實

某年某月某日

司吏某 押

首領官某 押

檢屍官某 押

大德八年三月日江西行省准中書省咨刑部呈奉  
省判送河南行省咨歸德府切見各處有司不以  
人命為重凡有告毆傷身死者不行隨即飛申檢  
驗初檢官雖有申到屍狀復檢官司不能即到屍  
前以致屍已發變不能復檢既見官司不能復檢  
初檢官事因而作弊捏合已死之人作自縊或投  
井火燒自傷殘害身死中間別無堪信顯迹必須



追究往來捕拏扣換州縣司吏通行捏合虛套原告詞因啜賺原告絕詞文狀不准官吏通同如此使死者幽冥之寃何由得雪本省亦詳檢驗屍傷或受差過時不發或牒至應受而不受或不親臨視或承他處官司請官檢驗或有官可那而稱闕或應牒隣近而牒遠者或因驗而不驗或不明定要害致死之因或定而不當或漏露所驗事狀或將初檢屍狀與復檢官司扶同檢驗等情弊紛紜不能槩舉理宜明定罪例通行遵守施行間又據江甯福建道奉使宣撫呈亦為此事奉部堂鈞旨

送刑部議擬連呈表此本部議得檢驗屍傷已有  
常式近年以來親民之官不以人命為重往往推  
延致令發變及不親臨監視轉委公吏行人與復  
檢官司遞相符同裝捏屍狀移易輕重情弊多端  
擬合設法關防若依奉使宣撫所言以為縷細本  
部今奉酌定立屍帳同蓋屍身一仰一合令各路  
一様板印編立字號勘合用印鈐記發下州縣置  
簿封收如遇檢屍隨即定立時刻行移附近不干  
碍官司急速差人投下公文仍差委正官將引首  
領官吏慣熟作作行人就費屍降屍帳三幅速詣

停屍去處呼集應合聽檢并行兇人等躬親監視  
對衆眼同自上至下一一分明仔細檢驗指說公  
屍應有傷損即于原畫屍身上比對被傷去處標  
寫長闊淺深各各分數定說端的要害致命根因  
檢屍官吏於上署押一幅給付苦主一幅粘連入  
卷一幅申連本官主司仍取苦主并聽檢一千人  
等連名甘結依式備細開寫當日保結回報明白  
稱說各處相離里路承發檢驗日時飛申本管官  
司其復檢官吏依上復檢了畢亦將屍帳一幅給  
付苦主一幅入卷一幅申報上司如有違慢或牒

上下當形氣元氣既傷  
難其後乃初氣必以  
四字皆例之五行可  
所以致此者必由  
此而致矣其後必  
矣此乃以氣而然  
何而之者書以  
後乃成今日始  
多上存廣行

到而不受致令屍變者正官決三十七下首領官  
吏各決四十七下其不親臨監視轉委公吏檢驗  
并增減不實移易輕重定執致命因依不明或初  
復官吏相見符司屍狀者正官取招量事輕重斷  
罪出降首領官吏各決五十七下罷役伴作行人  
決七十七下受財者同司屬申報人命公事臨即  
附簿檢舉但有違犯依上究問若因枉法論任滿  
於解由內開寫本路另置之簿令推官收掌如遇  
因循不行駁問者罪及推官無推官者掌司首領  
官從調廉訪司職在提刑所在之處先行取會干



七月十五夜校書院  
見其所以此條與時  
移轉更巨者一字不  
異居士為入大通因  
此下再記毫毫無元  
人帶後所見石校亦  
錯也廣切

同前

碍人命事目詳加照刷原置文簿卷宗體問若有  
似此違犯或犯人招指不同官吏作弊打禁并解  
由內隱漏者隨事輕重理斷庶望少革前弊如蒙  
准呈遍行照會相應今將定擬屍帳凶身式樣在  
前具呈照詳都省准擬今將屍帳式樣錄連在前  
除外合行移咨請照驗通行合屬依上施行

### 屍帳用印關防

延祐二年正月江浙行省札付准中書省咨御史臺  
呈准江南行御史臺咨據海北廣東道肅政廉訪  
司申切謂刑名之重莫重于殺人獄情之切莫先

于檢驗事體多端情態萬狀有同謀共毆而莫知  
誰是下手重者有同謀殺人而莫定誰為初造意  
者有甲行兇而告主與乙讐隙而妄執乙行兇者  
有乙行兇而令在下之人承當者若此之類未易  
枚舉今省部定到屍形格式於內為是開寫正犯  
干犯名色檢驗之際如是事體明白就塲認是致  
命痕傷者令正犯人下畫字則于事體無害設若  
告主因而私怨所告不實倉卒之間疑似未定必  
須仔細推鞠方得其情就塲若便仰令被告行兇  
人于正犯人下畫字似後鞠問得却係它人則異

日必指原非正犯以為翻異之階若令于干犯人  
畫字苦主未見何人承當致命行傷則必隨時有  
辭不肯承領屍形或為添寫被告二字作被告正  
犯人于下畫字則此原降格式不同上司必為駁  
問違錯其有司官吏臨屍檢驗之際變亂事情多  
因此致今後正犯人不須預先刊定若是  
當場認定行兇致命事情明白者則于屍帳上明  
白標寫作行兇正犯某人畫字設若事情疑似未  
易辨明者則標寫作被害行兇人畫字庶望已後  
推鞠明白於事無疑獄情易辨刑鮮冤濫然此事

于通例本臺具呈照詳得此送據刑部呈照得大  
德八年正月奉**奉**中書省劄付刑部議得檢驗屍  
傷已有常式見大德八年劄記今承見奉本部議得先為  
本處檢驗屍傷多生奸弊是以參酌定立屍帳圖  
畫屍身通行各路遵守庶欲救弊防奸期于事得  
明白而無冤濫今廣東道廉訪司所言屍帳上預  
先標寫正犯干犯名色事有窒碍今後凡檢驗屍  
傷若當場定執致命傷痕無差行兇人等審問明  
白別無可疑者正犯人於下畫字若事情未定肯  
從未分正作行兇或被告人畫字如初復檢驗定

執明白而行兇人在逃卒急不能追獲或各呼屍  
親未到聽將原檢屍帳權且粘連入卷用印關防  
獲正賊召到屍親至日畫字給付庶不差池如蒙  
准呈通行照會得此都省除外請依上施行

初復檢驗體式

某官某年月日時准某處某年月日時牒初復檢某  
村坊身死男婦人某姓名沁屍有無傷損如有係某  
物要害如何致命分明指定作結回示今來某即  
時將引典史司吏行人復檢即去無干碍吏作迴  
避初檢官吏就去所指停屍去處呼集屍親并隣



佑主首人等躬親監視勒行人對衆眼同一一仔細檢驗到沿屍應有傷損及要害致命因依取到件作行人某等重甘結罪並無透露不實文狀據檢定傷損要害致命去處保明並是端的執結是實除屍者責付某人如法看管知在不致有損失聽候施行外今逐一開立于後須至牒者

一到某處見一

男子

屍首令隣人主首合干人某等

近前仔細辨覷委是所指某人屍首或吊縊或臥于床上或在地上頭南脚北或頭東脚西仰合側臥屍倘開寫東西南北四至處所

謂門窓牆壁之類

各若

千步尺

遠則云步近則云尺每步五尺為一步

比處各開兩項檢屍

蹤跡自上至下番復檢驗傷損定驗致命根因

如見屍吊縊即云懸空高下吊縊處可與不可勝任

屍首兩脚懸空或不懸空有無蹬踏器物竟命顯

跡項下有何繩索繫圍徑處細圍狹長短尺寸將

屍解下如已死將屍解下即云項下有無原繫之

物或在屍傍或在原吊處懸空繫足比對原縊痕

迹同異亦行聲說是何繩索物色

如在水中量水深淺水面至岸闊狹各若干丈尺或

在溝澗亦量上下丈尺

如在灰火中先掃除周圍灰燼然後將屍番動觀屍  
着地處有無灰燼燒損

如被毆打傷死痕跡之類屍傷應有器仗物色一一

**仔細**聲說然後將衣服脫去檢驗

如屍在水中或窄隘處難以定驗者許移于近便處  
開說**原**停移動緣由亦須再量四至遠近隨用酒  
醋淋洗紙塗搭蓋良久揭去自上至下番復檢驗  
于後

一將屍仰面驗得某人年約若干歲量得身長若干  
尺寸面體肉色如何脂肉陷與不陷頂心并水道

頭髮緊慢髮鬚長若干用手分開驗得顙門有無  
他故如頂上有灸瘡癰痕幾處頂心或偏左偏右  
有傷一處皮破血出流盡或青紫色或腫或浮皮  
破或骨損與不損量得長闊深淺圍圓腫高分寸  
或係手足或他物或磕破癰病所致其驗去處各  
各聲說檢得一額兩額角兩太陽穴兩眉叢兩眼  
胞合用手分開驗得兩時有無他故兩頰腮一鼻  
梁兩竅裏外唇上鬚長若干口角近上相連唇鬚  
各長若干唇上下口微開舌出與不出或舌出若  
干分寸有無涎沫用手摩開口揣捏得舌齒有無

他故遂用銀釵探入咽喉良久取出待見有無變

色類上髻長若干

如無髮髻

類上下連項至咽喉

揣捏食氣系塌與不塌兩缺盆各無他故兩肩裏

兩腋裏兩肘裏兩肋裏兩臂裏兩手腕兩手掌十

手指并肚有無他故兩肋裏兩脇裏兩乳至

前心肚臍上下至陰囊用手揣捏得兩外腎子并

陰物

云

有無他故兩膝裏兩大腿兩膝蓋兩

膝兩脚腕裏兩踝兩脚面十指中有傷依上聲

說如無即云各無他故

一將屍合面檢得腦後髻角散與不散如不散用手



解開量得是何頭縮長若干用手分開揣捏得無

他故兩耳後髮際至項兩肩外兩腋外兩膊外兩

手腕外兩手背十指連甲有無他故至脊兩脾兩

肋外兩脇外至腰兩臀片至穀道有無他故兩胯

外兩腿外兩腠兩腿肚兩腳腕外兩踝外兩腳

跟兩腳板十指并肚各有無他故並須聲說如吊

繫至項後云其原匪與不更如不正聲說區分

一定檢得本屍沿身上下所傷除不係致命輕傷外

謂如面色微黃據某處有傷一處何物傷損長闊

各若干分寸深若干分寸骨損與不損有無血汚

或驗得無傷止有青腫係最重委足此處係要害  
虛怯如何致命仍指定是與不是要害去處若係  
數處被傷中風身死即指定端的因是何傷處致  
命若因別病及他故杖瘡死者即指定的確致命  
根因備細聲說

一將追到行兇致命器仗磚石棒杵或金刃之類比  
對傷處定驗有無相同開說多見量得大小長短  
丈尺分寸辨得係是應禁軍器或餘物及他物之  
類若火行便堪與不堪害人性命封記發去  
檢驗到治身脫下衣服物件于後

如有血汚或刺  
孔破者即云某

衣服上有血污及札皮謀處長閣分寸係某物所  
破此對在身衣衣相司健要檢官將無照用衣物  
此便責付合千人等失管將合用  
各件封記發付合屬官司長警後

有照用衣服件開名無照用依上開


右式  
年  
月  
日  
牒

新刻洗冤錄體式  
畢

洗冤錄

卷八

三



教已陰天下  
八月

新刻洗冤錄卷十一

宋 宋慈 惠父 編

明 胡文煥 德父 校

一條令

諸屍應驗而不驗切要或受差過兩時遇夜不

准此或不親臨視或不定要害致死之因或定而不

當謂以非理為府死各以違制論即憑驗狀致

罪已出入者不在自首自舉之例其事狀難明定

而失當者杖一百吏人行人一等科罪

諸役差驗復半條經隔日久而輒稱屍壞不驗者坐



以應驗不驗之罪

厚祐  
正之

諸驗屍報到過兩時不請官者請官違法或受請違

法而不言或牒至應受而不受或初覆檢官吏行

人相見及漏露所驗事狀者各杖一百

當日內申

無庸者

諸縣承他處官司請官驗屍有官可那而稱闕若闕

官而不具事因申牒或探伺牒至而託故假被免

者各以違制論

諸行人因驗屍受財依公人法

諸檢復之類在官者差無親嫌干碍之人

諸命官所任處有任滿賞者不得差出原副檢驗屍

**總差**

諸驗屍州差司理叅軍

本院別差官或止

縣差尉

縣尉關即以次差簿丞

此縣丞不得

監當官皆闕者

縣令前去若過十里或驗本縣回牒最近縣其郭

下縣皆中州應覆驗者並於差初驗日先次中牒

差官應牒最近縣而百里內無縣者聽就近牒巡

檢或都巡檢

內賣驗官止若大官而弱

者

諸監當官出城驗死者縣差手力五人當直

諸死人未死前無認麻以上親在死所

若禁日責出本日內及部

之 差官驗屍人方女使無反因及非理致死

者仍覆驗屍訖即為收瘞仍差人監視之若知

有親戚在他所者仍報知

諸屍應覆驗者在州申州在縣於受牒時牒屍所最

近縣其時力之因相去百里以上而遠於本縣

者止牒本縣官牒他縣

諸請官驗屍者不得越黃河江湖江河謂無橋梁湖

及牒獨員縣郭下縣所牒至

諸驗屍應牒近縣而牒遠縣者牒至亦受驗畢申所

局

諸死應牒隣縣驗覆而合請官在別縣若百里外或

在病假

不妨本職

無官可那者受牒縣當日具事因

在候府其日

保明申本州又提占刑獄司并報屍牒官

司仍牒以次縣

諸初覆檢屍格日提點刑獄司依式印造每副初覆

各三紙以千字文為號編定給下州縣遇檢驗即

以三紙先從州縣填訖付被差官候檢驗訖從實

填寫一申州縣一付被害之家

無印繳回本司

一具日時

字號入急遞經申本司檢點

遇有第三次

諸因病死

謂在丁禁

應驗屍而同居總麻以上親

或異居大功以上親至死所而願免者聽若僧道  
有法眷童行有本師未死前在死所而寺觀主首  
保明各無他故者亦免其僧道雖無法眷但有主  
首或徒衆保明者准此

諸命官因病亡

謂在禁  
部送者

若經責口詞或因病卒而

所居處有寺觀主首或店戶及隣居并地方仝干  
人保明無他故者官司審察聽免檢驗

諸縣令丞簿雖應差出須常留一員在縣

北時俱州  
郡差官權

諸稱違制論者不以失論

刑部制曰  
行而違者  
徒二年若  
非故

追而失結  
急者杖一百

諸監臨主司受財枉法二兩匹無功一十三匹絞

若罪至流及不枉法贓伍十匹配本城

諸以毒物自服或與人服而誣告人罪不至死者配  
千里若服毒人已死而不知情誣告人者並許人

捕捉賞錢五十貫

諸總麻以上親因病死而以它故誣人者依誣告法

謂言及死之類以爲不以廢論仍不在引虛減等

可信也之例即總麻以上親自相誣告及人力女使病死

其親輒以他故誣告主家者准此尊長江告卑勿  
案贖減等自依

其本



諸有詐病及死傷受使檢驗不實者各依所欺減一

等若實病死及傷不以實驗者以故入人罪論統刑

口上條品在府者杖一十條  
不實司計妄減一十杖九十

諸屍雖經驗而係妄指他屍告論致官司信憑推鞠

依誣告法即親屬至死所妄認者杖八十被誣人

在禁致死者加三等若官司妄勘者依入人罪法

刑統疏以他物毆人皆杖六十見無為傷非手及者  
其杖皆足他物即杖

不用月

申明引疏以無驗踢人傷從官司驗定堅硬即從他

物若不至硬即難作他物例

諸保辜者手足限十日他物毆傷人者二十日以刃

及湯火三十日折目折跌肢體及破骨者三十日

限內死者各依殺人論諸鬻人者依他物法率內

產胎者墮後別保三十日仍通本毆傷限不得過

五十日其住限外及雖在限內以他故死者各依

本毆傷法從重而論餘患而死如人自傷及

論者不問何人自傷及論者不問何人自傷及

乾道六年尚書省此狀州縣檢驗之官並差文官如

有關官去處覆檢官方差右選（本所看詳檢驗

之官自合依法差文臣如邊遠小縣委的閩文臣

處復檢官權差識字武臣今聲說照用

嘉靖十六年二月十八日

勅臣僚奏檢驗不定要害致命之因法至嚴矣而  
檢覆失實則為覺舉遂以苟免欲望

睿旨下刑部看詳頒示遵用刑寺長亦詳議檢驗  
不當覺舉自有見行條法今檢驗不實則乃為覺  
舉遂以苟免今看詳命官檢驗不實或失當不許  
用也亦原免餘並依舊法施行奉

聖旨依議行

二 總說上

凡驗官多是差廳子虞候或以親隨作公人家人名  
日前去追集隣人保伍呼為先牌打路排保打草  
踏路先馳看屍之類皆是騷擾鄉衆此害最深切  
須戒忌

凡檢驗承牒之後不可接見在近官員秀才術人僧  
道以防姦欺及招詞訴仍未得鑒定日時於牒前  
到地頭約度程限方可書鑒庶免稽遲仍約束行  
吏等人不得少離官員恐有乞覓遇夜行須要勒  
令供狀方可止宿

凡承牒檢驗須要行兇人隨行差土著有家累田產

無過犯節級教頭部押公人看管官到地頭勒令  
行兇人當面對屍仔細檢喝勒行人公吏對衆陣  
保當面供狀不可下司恐有過度走弄之弊如未  
獲行兇人以隣保為衆証所有屍帳所覆官不可  
漏露仍須是躬親詣屍首地頭監行人檢喝免致  
出脫重傷處

凡檢官遇夜宿處須問其家是與不是兇身血屬親  
戚方可安歇以別嫌疑

凡血屬入狀乞免檢多是暗受兇身賈和套合公吏  
入狀檢官切不可信憑便與備申或與繳回格司

雖得州縣判下明有公文照應猶須審處恐異時  
親屬爭錢不平必致生詞或致發覺自亦例被污  
穢難明

凡行兇器仗索之少緩則姦囚之家藏匿移易粧成  
疑獄可以免死于係甚重初受差委先當急急收  
索若早出又可叅照痕傷大小開狹定驗無差

凡到檢所未要自向前且于上風處坐定略喚死人  
骨屬或地主湖南有地無主審問事因了點數干

係人及隣保應是合於今次等字人齊足先令割  
下硬四至始同人吏向前看驗若是自經切要着

吊處及項上痕更看繫處塵土曾與不曾移動及  
吊處高下原踏甚處是甚物上得去繫處更看垂  
下長短項下繩帶大小對痕闊狹細看是活套頭  
死套頭有單掛十字繫有纏遶繫各要看詳若是  
臨高撲死要看失脚處土痕蹤跡高下若是落水  
**淹**死亦要看失脚處土痕高下及量水淺深其餘  
殺傷病患諸般非理死人剜四至了但令扛擡明  
淨處且未用湯水酒醋先乾檢一遍仔細看腦後  
頂心頭髮內恐有火燒釘子釘入骨內其不  
**此**更切點檢眼睛口齒舌鼻大小便二處防有他



物然後用溫水洗了先使酒醋蘸紙搭頭面上胸脇兩乳臍腹兩肋間更用衣被蓋罌了澆上酒醋用薦席罌一時久方檢不得信令行人只將酒醋潑過痕損不出也

三 檢覆總說下

凡檢驗不可信憑行人須令將酒醋洗淨仔細檢視如燒死口內有灰溺死腹脹內有水以衣物或濕紙搭口鼻上即死腹乾脹若被人勒死項下繩索交過手指甲或抓損若自縊即胸後分八字索子不交繩在喉下舌出喉上舌不出切在詳細白餘

傷損致命即無可疑如有疑慮即且捉賊捉賊不獲猶是公過若被人打殺却作病死後如獲賊不免深譴

凡檢驗文字不可作皮破血出大凡皮破即血出當云皮微損有血出

凡定致命痕雖小當微廣其分寸定致命痕內骨折即聲說骨不折不須言骨不折却重害也

或行兇器仗來

凡傷處多只指定一痕係要害致命

凡聚衆打人最難定致命痕如死人身上有兩痕皆

可致命此兩痕若是一人下手則無害若是兩人則一人償命一人不償命須是兩痕內斟酌得最重者為致命

凡官守戒訪外事惟檢驗一事若有大段疑難須更廣布耳目以合之無幾無誤如鬪毆限內身死痕損不明若有痕色曾使醫人師巫救治之類即多因病患死若不訪問則不知也雖廣布耳目不可任一人仍在善候之不然適足自誤

凡行兇人不得受他通吐一例收人解送待他到縣通吐後却勾追恐手脚下人妄生騷擾也

凡初覆檢訖但屬首正副隣人並責杖看守屍首切不可混同解官徒使被擾但解完身干証若獄司要人自會追呼

凡驗後體訪得行兇事因不可見之公文者面白長官使知曲折庶易勘鞫

近年諸路憲司行下每于初覆檢官內就差一員兼體究凡體究者必須先喚集隣保及覆審問如歸一則合款供或見聞參差則令各供一款或併責行兇人供吐大略一併繳申本縣及憲司縣獄憑此審勘憲司憑此詳復或小有差互皆受重責簿

凡初覆檢訖血屬皆正副隣人並責杖看守屍首切不可混同解官徒使被擾但解兇身干証若獄司要人自會追呼

凡檢驗後體訪得行兇事因不可見之公文者面白長官使知曲折庶易勘鞫

近年諸路憲司行下每于初覆檢官內統差一員兼體究凡體究者必須先喚集隣保反覆審問如歸一則合款供或見聞參差則令各供一款或併責行兇人供吐大略一併繳申本縣及憲司縣獄憑此審勘憲司憑此詳復或小有差互皆受重責簿

頑固多不伏于格目內兇身下填寫姓名押字公吏  
有所取受反教令別撰名色寫作被誣或干瀆之  
類欲乘此走弄出入近江西宋提刑重定格目中  
之朝省添入被執人一項若虛實未定者不得已  
與之就下書填其確然是實者須勒令僉押于正  
行兇字下不可姑息詭隨全在檢驗官自立定見  
疑難雜說上

凡檢屍不過刀刃殺傷與他物鬪打拳手毆擊或自  
縊或勒殺或投水或被人溺殺或病患數者致命  
而已然有勒殺類乎自縊溺死類乎投水鬪毆有

在限內致命而實因病患身死人力女使因被捶  
撻在主家自害自縊之類理有萬端並為疑難臨  
時審察切勿輕易差之毫釐謬之千里

凡檢驗疑難屍首如刃物所傷透過者須看內外瘡  
口大處為行刃處小處為透過處如屍首爛須看  
其原衣服比傷著去處

屍或覆臥其右手有短刃物及竹頭之類自喉至臍  
下者恐是酒醉攙倒自壓自傷

如近有登高處或泥須看身上有無錢物有無損動  
處恐因取物失脚自傷之類



驗婦人無傷損處須看陰門恐自此入刀於腹內雖皮淺則臍上下微有血沁深則無多是單獨人求食婦人

如男子須看頂心恐有平頭釘糞門恐有硬物自此入多是同行入因丈夫年老婦人年少之類也凡屍在身無痕損唯面色有青黯或一邊是腫多是被人以物搭口鼻及罨搗殺或是用手巾布袋之類絞殺不見痕更看頂上肉硬即是切要者手足有無繫縛痕舌上恐有嚼破痕大小便二處恐有踏腫痕若無比類方看口內有無涎唾喉間腫與

不腫如有涎及腫恐是纏喉風死宜詳

若究得行兇人當來有窺謀事跡分明又已招伏  
方可檢出若無影跡即恐是酒醉卒死

多有人相鬪毆了各自分散散後或有去近江河池  
塘邊洗頭面上血或取水喫却為方相打了尚困  
乏或因醉相打後頭旋落水淹死落水時尚活其  
屍腹肚膨脹十指甲內有沙泥兩手向前驗得只  
是落水淹死分明其屍上有毆擊痕損更不可定  
作致命去處但一一剖上驗狀即定作落水致命  
最捷緣打傷雖在要害處尚有事限在法雖在辜

限內及限外以他故死者各依本段傷法

謂在他故

病者

而今既是落水身死則雖有傷痕其實是以

他故致死分明曾有驗官為見頭上傷損却定作  
因打傷迷悶不覺倒在水內却將打傷處作致命  
致招罪人翻異不絕二更有相打散乘馬撲下卓  
死亦然但驗失脚處高下撲損痕癥致命要害處  
仍須根究曾見相打分散証佐人

凡驗因爭鬪致死雖二主分明而屍上並無痕損何  
以定要害致命處此必是被傷人舊有宿患氣疾  
或是未爭鬪以前先曾飲酒至醉至爭鬪時有所

觸犯致氣絕而死也如此者多是腎子或一個或兩個縮上不見須用溫醋湯蘸衣服或綿絮之類卷一飯久令忤作行人以手按小腹下其腎子自下即其驗也然後仔細看要害致命處

昔有甲乙同行乙有隨身衣物而甲欲謀取之甲呼乙行路至溪河欲渡中流甲執乙就水而死是無痕也何以驗之先驗其屍瘦劣大小十指甲各黑黯色指甲及鼻孔內各有沙泥胸前赤色口唇青斑腹肚脹此乃乙劣而為甲之所執于水而致死也當究甲之屍情須有賊証以觀此驗萬無失一

又有年老人以手搗之而氣亦絕是無痕而死也  
有一鄉民令外甥并隣人子將鋤頭同開山種粟經  
再宿不歸及往觀焉乃二人俱死在山遂聞官隨  
身衣服並在牒官驗屍驗官到地頭見一屍在小  
茅舍外後項骨斷頭面各有刃傷痕一屍在茅舍  
內左項下右腦後各有刃傷痕在外者衆曰先被  
傷而死在內者衆曰後自刃而死官司但以各有  
傷別無財物定兩相併殺一驗官獨曰不然若以  
情度情作兩相併殺而死可矣其舍內者右腦後  
刃痕可疑豈有自用刃於腦後者手不便也不數

日間乃緝得一人因讐併殺兩人縣案明遂聞州  
正極典不然二寃永無歸矣大凡相併殺餘痕無  
疑即可為檢驗實在精專不可失悞

五 疑難雜說下

有檢驗被殺屍在路傍始疑盜者殺之及檢點公身  
衣物俱在遍身鏢刀破傷十餘處檢官曰盜只欲  
人死取財今物在傷多非寃讐而何遂屏左右呼  
其妻問曰汝夫自來與某人有寃讐某深應曰夫  
自來與人無寃讐只近日有某甲來做債不得曾  
有尅期之言然非寃仇深者檢官默識其居遂多

差人分頭告示側近居民各家所有鐮刀盡底將  
來只今呈驗如有隱藏必是殺人賊當行根勘俄  
而居民賣到鐮刀七八十張令布列地上時方盛  
署內鐮刀一張蛇子飛集檢官指此鐮刀問為誰  
者忽有一人承當乃是做債尅期之人就擒訊問  
猶不服檢官指刀令自看衆人鐮刀無蛇子今汝  
殺人血腥氣猶在蛇子集聚豈可隱耶左右環視  
者失聲嘆服而殺人者叩首服罪

昔有深池中溺死人經久事屬大家因仇事發體究  
官見皮肉盡無惟骷髏骸骨尚在累委官不肯驗



上司督責至數人獨一官員承當即行就地檢骨  
先點檢見得其他並無痕迹乃取髑髏洗淨洗將淨  
熱湯瓶細細斟湯灌從腦門穴入看有無細泥沙  
屑白鼻孔竅中出以此定是與不是生前溺水身  
死蓋生前落水則因鼻息取氣吸入沙土死後則  
無

廣右有兇徒謀死小童行而奪其所賣發覺距行兇  
日已遠因已招伏打奪就推入水中尉司打撈已  
得屍於下流內已潰盡僅留骸骨不可辨矣終未  
免疑其假合未敢處斷後因閱案卷見初焉體究

官級到紅廟所供稱其弟原是道曾而矮小逆差  
官覆檢其胃果然方欺定刑

南方之民每有小小爭競便自盡其命而謀賴人替  
多矣先以樺樹皮罨成痕損先後如他物所傷何  
以驗之但看其痕裏面須深黑色四邊青赤散成  
一痕而無虛腫者即是生前以樺皮罨成也蓋人  
生即血脈流行與樺相扶而成痕若以手按着虛  
樺皮所若死後以樺皮罨者即苦無散遠青赤色  
只微有黑色而按之不緊硬者其痕乃死後罨之  
也蓋人死後血脈不行致樺不能施其效更在窮

詳原情屍首痕損那邊長短能合他物大小臨時  
裁之必無疎誤

凡有死屍肥狀無痕損不黃瘦不得作病患死又有  
屍首無痕損只是黃瘦亦不得據所見只作病患  
死檢了切須仔細驗定因何致死唯此等檢驗最  
誤人也

凡疑難檢驗及兩爭之家稍有勢力須選慣熟仵作  
人有行止畏謹守分貼身並隨馬行飲食水火令  
人監之少休以待其來不如是則私請行矣假使  
驗得其實吏或受賂其事亦變官吏獲罪猶庶幾

變動事情枉致人命事實重焉

應檢驗死人諸處傷損並無不是病狀難為定驗者  
先須勒下骨肉次第等人狀訖然後剝除死人髮  
髻恐生前被人將刃物釘入顙門或腦中殺害性  
命

被殘害死者須檢齒舌耳鼻內或手足指甲中有簽  
刺等害之類

凡檢驗屍首指定作被打後服毒身死及被打後自  
縊身死被打後投水身死之類最須見得親切方  
可如此申上中紅間多有打死人後以藥灌入口中

誣以自服毒藥亦有死後用繩吊起假作生前自縊者亦有死後推在水中假作自投水者一或差互利害不小今須仔細點檢死人在身痕傷如果不是要害致命去處其自縊投水及自服毒皆有可憑實跡方可保明

六 初檢

告狀切不可信須是詳細檢驗務要從實

有可任公吏使之察訪或有非理等說且聽來說自

更裁度

戒左右人不得鹵莽

初檢不得稱屍首壞爛不任檢驗並須指定惡害致死之因

凡初檢時如體問得是爭鬪分明雖經多日亦不得定作無憑檢驗抬上司問難須仔細定當痕損致命去處若委是經日久變動方稱屍首不任撥擺凡檢屍有無傷損訖就檢處視筆屍首在物上復以物蓋候畢周圍用灰印記有若干枚交與守屍弓手者正副隣人看守責狀附案交與復檢免致被人殘害傷損屍首他若是疑難檢驗仍不得遠去防覆檢異同

七 覆檢

與前檢無異方可保明具申萬一致命處不明痕損  
不同如以藥死作病死之類不可槩舉前檢受弊  
覆檢者焉可不究心察之恐有連累矣

檢得與前驗些小不同遷就改正果有大段違戾不  
可依隨更再三審問干係等人如衆稱可變方據  
檢得異同事理供申不可據已見便變易

復檢如屍經多日頭面胖脹皮髮脫落唇口翻張兩  
腿迭出蛆蟲啞食委實壞爛不通措手若係刀傷  
他物拳手足踢傷虛處方可作無憑覆檢狀申如



是他物及刃傷骨損宜衝洗仔細驗之即須於狀內聲說致命豈可作無憑檢驗申上

覆檢官驗訖如無爭論方可給屍與親屬無親屬者責付本都埋瘞勒令看守不得火化及散落如有爭論未可給屍且掘一坑就所擲物擗屍安頓坑內以明扇蓋用上土瘞作堆周回用灰印印記防倘後來官司再檢覆仍責看守狀附案

八 驗屍

身上數件○正頭面有無髮長若頂心額門髮際額兩眉兩眼或開或閉如閉鼻孔或閉齒

舌

有無自結舌 喉 胃 兩乳 婦人 兩

心 腹 臍 小肚 玉

莖陰囊

女後腎子全與不全婦

兩脚 大腿 膝 兩

脚 膝 肘 兩脚 腕 兩脚 面 十指 爪

翻身 腦 後 乘 枕 骨 兩 脾 背 脊 腰 兩 腎 辨 有 穀道

後腿 兩 脚 跟 兩 脚 板

左側 下 腦 角 太陽 穴 耳 面 兩 臉 頸 肩 膊 肘 腕 臂 手

五指 爪 全與不全 曲 腋 脇 肋 胯 外 腿 外 膝 外 膝

肘 脚 踝

右側 亦 如 之 四 縫 尾 脊 須 躬 親 看 驗 頂 心 顛 門 兩

額 角 兩 太陽 喉 下 胃 前 兩 乳 兩 脇 肋 心 腹 腦 後 乘

枕陰囊穀道並係要害致命之處婦人壽陰於內  
若一處有痕損在要害或非致命即令伴作指定  
喝起

衆約死人年幾歲臨時須仔細看顏貌供寫或問血  
屬尤真

凡檢屍先令多燒蒼朮皂角方詣屍前檢畢約三五  
步令人將醋潑炭火從上行過其穢自然去矣  
多備葱椒鹽白梅防其痕損不見處藉以擁覆仍帶  
一砂盆并槌研上件物

凡檢覆須在專一不可避臭惡切不可令伴作行人

遮閉玉莖產門之類大有所悞仍仔細驗頭髮內  
穀道產門內慮有鐵釘或他物在內

檢出致命要害處方可押兩爭及知見親屬令見切  
不可容令近前恐損害體屍

被傷處須仔細量長闊深淺小大定致命之由

作作行人受囑多以爲

一什

草按醋內塗傷損處痕

皆不見以甘草汁解之則見

人身本赤黑色先動變動作青腫色其痕未見有可

疑處先將水洒濕然後將葱白拍碎令開塗痕處  
以醋蘸紙蓋上候一時久除去以水洗其痕即見

芳泥上有數處青黑將水滴於青黑處是痕則硬  
水住不流不是痕處軟水滴便流去

驗屍并骨傷損處痕跡未見用糟醋潑罨屍首於露

天以新油絹或油明雨傘覆欲見處迎日隔傘看

痕即見若陰雨以熟炭隔照此良法也或更隱而

不見以白梅搗爛攤在欲見處再攤罨看尤未全

見再以白梅取肉加椒醋鹽糟一處研拍作餅子

火上煨令極熱烙損處下先用紙襯之即見其損

昔有二人鬪毆俄頃一人仆地氣絕見証分明及驗

出屍乃無痕損檢官甚撓時方寒忽思得計遂令

掘一坑深二尺餘依屍長短以柴燒熟得所置屍坑內以衣物覆之良久覺屍溫出屍以酒醋潑紙貼則致命痕傷遂出

攤卷檢訖作作行人喝四縫屍首謂屍仰臥自頭喝

頂心顙門全額全兩額角全兩太陽全兩眼兩眉

兩耳兩腮兩肩並全胃心臍腹全陰腎全婦人云

陰門全兩脾腰膝兩腰肋兩脚面十指爪並全

左手臂肘腕并指甲全左肋并脇全左腰胯及左

腿脚並全右亦如之

轉屍腦後束枕骨全兩耳後髮際連項全兩背

連脊全帶腰眼兩臂並殺這全兩腿兩後腠兩腿  
肚兩腳跟兩脚心並全

九 婦人

凡驗婦人不可避羞

若是處女欲四至訖擗出光明半穩處先令坐婆剪  
去中指甲用綿札先勒死人母親及血屬并隣婦  
二三人同看驗是與不是處女令坐婆以所剪甲  
指頭入陰門內有黯血出即是無即非

若婦人有胎孕不可致死首勒坐婆驗腹內委實有  
無胎孕知有孕心下至肚心手拍之堅如鐵不

無即軟

若無身孕又無痕損勒坐婆定驗產門恐有他物  
有孕婦人被殺或因產子不下身死屍經埋地窖至  
檢時却有死孩兒推詳其故蓋屍埋頓地窖因地  
水火風吹死人屍首脹滿骨節縫開故遂出腹內  
胎孕孩子亦有臍帶之類皆在屍脚下產門有血  
水惡物流出

凡富人家女使先量死處四至了便扛出大路上檢  
驗有無痕損令衆人見以避嫌疑

附小兒死前胞胎



有因爭鬪因而殺子謀人者將子手足捉定用腳跟  
於喉下踏死只令忤作行人以手按其喉必塌可  
驗真偽

凡定當小兒骸骨即因云十二三歲小兒若駁問如何  
不定是男是女即解云某當初只指定十二三歲  
小兒即不曾說是男是女蓋律稱兒不定作兒是  
男女也

墮胎者准律未成形像杖一百墮胎者徒三年律云  
墮謂打而落謂胎子落者按五藏神論懷胎一月  
如白露二月如桃花三月男女分四月形像具五

月筋骨成六月毛髮生七月動右手是男于母左  
八月動左手是女于母右九月三轉身十月滿足  
若驗得未成形像只驗所墮胎作血肉一片或一  
塊若經日壞爛多化為水若所墮胎已成形像者  
謂頭腦口眼耳鼻手脚指甲等全者亦有臍帶之  
類令收生婆定驗月數定成人形或未成形責狀  
在案

墮胎兒在母腹內被驚後死胎下者衣胞紫黑色血  
瘰軟弱生下腹外死者其屍淡紅赤無紫黑色及  
胞衣白

十 四時變動

春三月屍經兩三日口鼻肚皮兩脇胃前肉色微青  
經十日則鼻耳內有惡汁流出曰臭也胖曰肥也脹肥人  
如此久患瘦劣人半月後方有此症

夏三月屍經一兩日先從面上肚皮兩脇胸前肉色  
變動經三日口鼻內汁流蛆出遍身胖脹口唇翻  
皮膚脫爛炮胗起經四五日髮落暑月罨屍損處  
浮皮多白不損處却青黑不見的實痕設若避臭  
穢氣已三儉過往往誤事稍或疑處浮皮須要剝  
去如不  
底下血瘡分明更有暑月九竅內未

小後記

為記

有蛆蟲却于太陽穴髮際內兩脇腹內先有蛆蟲  
必此處有損

秋三月屍經二三日亦先從面上肚皮兩脇胸前肉  
色變動經四五日口鼻內汁流蛆出遍身胖脹口  
唇翻胞胗起經六七日髮脫

冬三月屍經四五日身體肉色黃髮微經半月以後  
先從面上口鼻兩脇胸前變動或安在濕地用薦  
席裹角埋瘞其屍卒難變動更詳月頭月尾按春  
秋節氣定之

盛熱屍首經一日即皮肉變動作青黯色有氣息經

三四日皮肉漸壞屍脹蛆出口鼻汁流頭髮漸落  
盛寒五日如盛熱一日時半月如盛熱三四日時  
春秋氣候和平兩三日可比夏一日八九日可比夏  
三日。然人有肥瘦老少肥少者易壞老瘦者難壞  
。南北氣候不同山內寒暄不常更在臨時通變審  
察

十一 洗卷

宜多備糟醋

襯屍紙惟有藤連紙白抄紙可用苦竹紙見鹽醋  
多爛恐侵損屍體

一 擗屍于平穩光明地上先乾檢一遍用水衝洗次

按皂角洗滌屍垢膩又以水衝蕩潔淨

先時丁川

假恐惹

洗了如法用糟醋攪奄屍首仍以死人衣

物盡蓋用焚醋淋又以薦席卷一時久候屍體透軟即去蓋物以水衝去糟醋方驗不得信行人說只將酒而潑過痕損不出

初春與冬月全熱焚時及炒糟令熱仲春與殘秋宜微熱夏秋之內糟醋微熱以天氣炎熱恐傷皮肉秋將深則用熱屍左右手肘相去三四尺加火燔以氣候虛涼冬雪寒凜屍首僵凍糟醋雖極熱被

不重疊棺亦不得屍體透軟當埋坑長圓於屍深  
三尺取炭及木柴通鋪坑內以火燒令通紅多以  
醋潑之氣勃勃然方便攤骨法物視窆畢屍置平  
坑內仍用衣服覆蓋再用熱醋淋遍坑兩邊相去  
二三尺復以火烘約透去火移屍出驗冬殘春初  
不必掘坑只用火烘兩邊并節候詳度

湖南風俗檢死人皆于屍傍燒一深坑用火燒紅去  
火入屍在坑內潑上糟醋又四面用火逼良久扛  
出屍或行兇人爭痕損或死人骨屬相爭不肯認  
至于有三四次扛入火坑重檢者人屍至三四次

經火內色皆焦痕損愈不分明行吏因此為疑  
至一西月間內皆潰爛及其家有論年皆差到聚檢  
官時已是數月止有骨殖肉上痕損並不得而知  
火坑之法獨湖南有此守官者宜知之

十二 驗未埋屍屍

未埋屍首或在屋內地上或床上或屋後露天地  
上或在山嶺溪澗草木上並先打量頓屍所在四至  
高低所離某處若干在溪澗之內上去山脚或岸  
幾許係何人地上地名甚處若屋內係在何處及  
上下有無別色並筆記方可掘屍出驗



先剝脫在身衣服或婦人首飾自頭上至鞋襪逐一抄剝或是隨身行李亦具名件訖且以溫水洗屍一遍了驗未要使用酒醋

剝爛衣服洗了先看其屍有無軍號或額角面臉上所刺大小字體計行或幾字是何軍人若係配隸人所配隸何州軍字亦須計行數如經刺環或方或圓或在手背頂上亦計幾個刺字或環子曾艾灸或用藥取痕迹黯淩及成疤痕可取竹削一篋子於灸處撻之可見

辨驗色白人訖即看死人身上甚處有雕青有灸

瘡係新舊瘡疤有無膿血計共幾個及新舊官杖  
瘡疤或背或臀并新舊荆杖子痕或腿或脚底甚  
處有舊瘡癰癥甚處是見患須量見分寸及何處  
有黥記之類盡行聲說如無亦開寫。  
打量屍首身長若干髮長若干年顏若干

十三 驗墳內及屋下殯殮

先驗墳係何人地上地名甚處上堆一個量高及長  
闊並各計若干寸及屍見殯殮在何人屋下亦如  
前量之

次看屍頭脚所向謂如頭東脚西之類頭離某處若

于脚離某處若干左右亦如之對衆促開浮土或  
取去殯磚看其屍用何物盛殯謂棺木有無漆飾  
席有無衾祿及發簞之類解出開拆取屍于光明  
處地上驗之

驗壞爛屍

若避臭穢不親臨往往誤事

屍首變動臭不可近當燒蒼朮皂角辟之用麻油塗  
鼻或作紙摠子搃油塞兩鼻孔仍以生姜小塊置  
口內遇檢切用猛閉口恐穢氣衝入。

量筭四至訖用水衝去蛆蟲穢汚皮肉乾淨方可檢

提字

未須用糟醋頻令新汲水澆屍四面  
屍首壞爛被打或刃傷處痕損皮肉作赤色深重  
作青黑色貼骨不壞蟲不能食

十五

無憑檢驗

凡檢驗無憑之屍空說頭髮脫落曲鬢頭面遍身皮  
肉並皆一槩青黑挂皮壞爛及被蛆蟲啞破骨殖  
顯露去處

如皮肉消化空說骸骨顯露上下皮肉並皆一槩消  
化只有些小化不及筋肉與骨殖相連今來委是  
無憑檢覆本人生前遍身上下有無傷損他故及

定奪年顏形狀致死因依不得兼用手揣捏得沿  
身上下並無骨損去處

十六 白僵死瘁死

先鋪炭火約與死人長闊上鋪薄布可與炭等以水  
噴微濕臥屍於上仍以布覆蓋頭面肢體訖再用  
炭火擁鋪令遍再以布覆之復用水遍洒一時久  
其屍皮肉必軟起乃揭所鋪布與被看若皮肉軟  
起方可以熱醋洗之干驗損處以椒蔥鹽全白梅  
和糟研爛拍作餅子火內煨令熱先於屍上用紙  
搭了次以糟餅卷之其痕損必見

十七 驗骨

人有三百六十五節按一年三百六十五日

男子骨白婦人骨黑

婦人生前血如河水故骨黑如眼毒黃赤黑須仔細詳定

髑髏骨男子自頂及耳并腦後共八片

蔡川人腦後

橫一縫當正直下至髮際別有一直縫婦人只六

片腦後橫一縫正直下無縫

牙有二十四或二十八或三十二或三十六

胃前骨三條

心骨一片嫩如錢大

項與脊骨各十二節

卷八

骨節別行

自項至腰共二十四髓骨上有一大髓骨

肩并及左右飯匙骨各一片左右肋骨男子各十二

條八條長四條短婦人各十四條

男女腰間各有一骨大如掌有八孔作四行樣圓

手脚骨各二段男子左右手腕及左右膝肘骨邊皆

有裨骨

無骨人

兩脚膝頭各有木骨隱在其間如大

指大手掌脚板各五縫手脚大指并脚第五指

各二節餘十四指並三節

尾端骨若猪腰子仰在骨節下

男子脊其綴脊處凹兩邊皆有尖瓣如稜角周布

九竅頰人者其綴脊處平直周布六竅

大小便處各一竅

骸骨各用麻草小索或細篾串訖各以紙簽標號某  
骨檢驗時不致差誤



新刻洗冤錄卷下

宋 宋 慈 惠父 編

明 胡文煥 德父 校

十八 論沿身骨脉及要害去處

夫人兩手指甲相連者小節小節之後中節中節之後者本節本節之後肢骨之前生掌骨掌骨上生掌肉掌肉後可屈曲者腕腕左起高骨者手外踝右起高骨者右手踝二踝相連生者臂骨輔臂骨者髀骨三骨相繼者肘骨前可屈曲者曲肘曲肘上生者肱骨肱骨上生者肩髃肩髃之前者橫髃

骨橫腦骨之前者髀骨髀骨之中陷者缺盆缺盆  
之上者頸頸之前者顙喉顙喉之上者結喉結喉  
之上者腋腋兩傍者曲頸曲頸兩傍者頤頤兩傍  
者頰車頰車上者耳耳上者曲髮曲髮上行者頂  
頂前者顙門顙門之後者髮際髮際正下者額額  
下者眉際眉際之末者太陽穴太陽穴前者目目  
兩傍者兩小背兩小背上者上脰下者下脰正位  
能瞻視者目瞳子瞳近鼻者兩大背近兩大背者  
鼻山根鼻山根上印堂印堂上者腦角腦角下者  
承枕骨脊骨下橫生者髑骨髑骨兩傍者釵骨釵

骨正下中者腰門骨釵骨上連生者髌骨脛骨下可  
屈曲者曲腓曲腓上生者膝蓋骨膝蓋骨下生者  
脛骨脛骨傍生者髌骨髌骨下左起高大者兩足  
外踝右起高大者兩足右踝脛骨前垂者兩足肢  
骨肢骨前者足本節本節前者小節小節前者足  
指甲指甲後生者足前跌跌後凹陷者足心下生  
者足掌骨掌骨後生者踵肉踵肉後者脚跟也  
檢滴骨親法謂如其甲是父或母有骨在某乙來認  
親生男或女何以驗之試令某乙就身刺一兩點  
血滴骸骨上是猶親生則血沁入骨內否則不入

俗云濟骨就蓋得此也

發骨須是晴明先以水淨洗骨用麻穿定形骸次第以簞子盛之卻同地窖一穴長五尺闊三尺深二尺多以灰炭燒以地紅為度除去火却以好酒二斗或醋五升潑地窖內乘熱氣扛骨入穴內以灰填定蒸骨一兩時候地冷取去薦扛出骨殖勻平明處將紅油傘遮屍骨驗。

行骨上有被打處即有紅色路微癢骨斷處其接縫兩頭各有白帶色并以有痕骨照日看紅活乃是生前被打分明。

骨上若無血癰縱有損折乃死後痕切不可酒  
醋煑骨恐有不便處此項須是晴明方可陰雨則  
難見也如陰雨不得已則用煑法以甕口如鍋煑  
物以炭火煑諸多人墮海同骨魚須著親臨監視  
候千百滾取出水洗向日照其痕即見血皆浸骨  
損處赤色青黑色俱仔細驗有無破裂

煑骨不得見錫用則骨多黯

若有人作弊將藥物煎過其骨有傷處反白不  
見解法見檢死門

若骨或經三兩次洗其色白與無痕同何以辨

之當將今驗損處骨以油灌之其骨大者有縫小者有竅候油溢出則指令乾向明照損處油到即停住不行明亮處則無損

一法濃磨好墨塗骨上候乾即洗去墨如有損處則墨必浸入不損則墨不浸

又法用新綿于骨上拂拭遇損處必牽惹綿絲起折者其色在骨斷處兩頭又看折處其骨惹刺向裏或外段打折者芒刺在裏在外者非髓體骨有此故處骨有骨折處滯淤血

子細看以上骨量或與黑掌長是他物圓是拳

大是頭撞小是脚尖四縫骸骨內一處有損折係致命所在或非要害即令件作行人指定喝起擁卷檢訖件作行人喝四縫骸骨謂是仰臥自觸骸喝頂心至顙門骨鼻梁骨骸領骨并口骨并全兩眼眶兩額角兩太陽兩耳兩腮頰骨並全兩肩并兩臑骨全胸膈骨并心骨全

左臂腕手及髀骨全左肋骨全左膝左腿左膝肋并髀骨及左腳跟骨跗掌骨並全

右亦如之

轉喝腦後乘枕骨脊下至尾蛆骨並全

凡驗元被殺傷此人經日屍首壞爛蛆蟲啞食六存  
骸骨者元被傷痕血粘骨上有乾黑血為証若無  
傷骨損其骨上有破損如頭髮露痕又如瓦器龜  
裂沉淹損路為驗

毆死者死傷處不至骨損則肉緊貼在骨上用水衝  
激亦不去指甲處之方腕內貼處其痕損即可見  
驗骨訖自髑髏肩并臆骨并臂腕手骨及胯骨腰腿  
骨膝肋膝蓋并髀骨並標號左右共肋骨共二十  
四莖左右各十二莖分左右係左第一左第二右  
第一右第二之類並標號依資次題記內脊骨二十



四節亦自上題一二三四連尾蛆骨處號之并胸  
前龜子骨心坎骨亦號之庶易于檢湊兩肩兩胯  
兩腕皆有蓋骨尋常不係在骨之數經打傷損方  
入衆骨係數不若拘收在數為良也先用帛數重  
包定次用油單紙三四重裹了用索子交眼扎繫  
作三四處封印押訖用瓶一隻盛之上以板蓋掘  
坑埋瘞作堆標訖仍用灰印

行在有一毒草名曰滅草煎作膏子售人若以染骨  
其色必變黑黯紅可亂真然被打若在生前打處  
自有瘡痕若無瘡痕而骨不損即不可指以為痕

切須仔細辨別真偽

十九 自縊

自縊自死者兩眼合唇口黑皮開露齒若勒喉上即  
口閉牙關緊舌抵齒不出以手開之若勒喉下則口  
開舌尖出齒門二分至三分而帶紫赤色口吻兩  
甲及胃前有吐涎沫兩手須握大拇指兩脚尖直  
垂下腿上有血瘡如灸斑痕及肚下至小腹並  
墜下青黑色大小便自出大腸頭或有一兩點小  
瘡下痕紫赤色或黑淤色直至左右耳後髮際橫  
長九寸以上至一尺以來一云大夫台一尺婦人台一尺脚處

則喉下勒深、實則淺、人肥則勒深、瘦則淺、用細紫  
麻繩、草索在高處自縊、懸頸、頓身致死、則痕跡深、  
若用全幅勒帛及白練項帛等物、又在低處、則痕  
跡淺、低處自縊、身多臥于下、或側或覆、側臥其痕  
斜起、橫喉下覆臥其痕正起、在喉下起于耳邊多  
不至腦後髮際下

自縊處須高八尺以上、兩腳懸空、所踏物須倍高  
如懸虛處、或在床椅火爐貼舍內、但高二三尺以  
來亦可自縊而死

若經泥雨須看死人赤脚或著鞋其路上處有無

印下

自縊者若套頸死套頸單繫十字繩結者須看死人  
踏其物入頭在繩套內須垂得繩套寬入頭方是  
活套頭脚到地并膝跪地亦可死

單繫十字懸空方可死脚尖稍到地亦不死

單繫十字是死人先自用繩帶自繫項上後自以  
手繫高處須是先看上頭繫處壓上及死人踏其  
處物自以手繫繫得上向繩頭著方是上而繫繩  
頭處或高或大若不能攀及不能上則是別人吊  
起更看所繫處物伸縮繩是頭墜下去上頭繫處

一尺以上方是若是頭緊抵上頭定是別人吊起  
纏繞繫是死人先將絕帶纏繞項上兩遭自踏高  
繫在上而垂身致死或是先繫絕帶在梁棟或樹  
枝上俱橫垂下踏高入頭在橫內更經過一兩遭  
其痕成兩路上一路經過耳後斜入髮際下一路  
平繞項行吏畏避厭難必告檢官乞只申一痕正  
是致命要害去處或覆檢官不肯相同書填格目  
血屬有詞再差官覆檢出為之奈何須是據實不  
可只作一條痕檢其相疊處分開處作兩截量盡  
取頭了更重將所繫處絕帶纏過比並闊狹並同

任從覆於可無後患

凡因患在床中臥將絕帶等物自縊者則其屍兩眼  
合兩唇皮開露齒咬舌出一分至二分肉色黃形  
體瘦兩手拳握臂後有痕出左右手內多是把自  
縊物色至紫緊死後只在手內須量兩手拳相去  
幾寸以來喉下痕跡紫赤周圍長一尺餘結締在  
喉下前面分數較深曾被救解則其屍肚脹多口  
不咬舌臂後無痕

若自縊開樞所縊脚下穴三尺以來究得火炭方  
寸或是在屋下自縊先手所縊處橫梁枋桁之類處

土滾亂至多方是如只有一路無塵不是自縊  
先以杖子于所繫繩索上輕輕敲如緊直乃是或  
寬慢即是移屍大凡移屍別處吊掛舊痕挪動必  
有兩痕

凡驗自縊之屍先要見得在甚地方甚街巷甚人家  
何人見本人自用甚物于甚處搭過或作十字死  
積繫定或於項下作活襖套自驗所著衣新舊打  
量身四至東西南北至甚物而觀其處背向甚處  
其死人用甚物踏上下量頭懸去所吊處相去若  
干尺寸下量脚下至地相去若干尺束或所縊處

雖低亦看頭上懸掛索處下至所離處並量相去  
若干尺寸對衆解下扛燒手露門處方解脫自縊  
套繩通量若干尺寸量圍喉下套頭總圍長若干  
項下交圍量到耳後髮際起處闊狹橫斜長短然  
後依法檢驗

凡驗自縊人先問元申人其身少人是何色目人見  
時早晚曾與不曾解下救應申官時早晚如有入  
識認即問自縊人年若干作何經紀家內有甚人  
却因何在此間自縊若是奴僕先問顧主討契書  
辨驗仍看契上有無親戚年紀多少更看元吊掛



蹤跡去處如曾解下救應即問解下時有氣脉無  
氣脉解下約多少時死切須仔細

大凡檢驗未可便作自縊致命未辨仔細凡有此只  
可作其人生前用繩索繫咽喉下或上要害致命  
死以防死人別有扛擡且如有人睡着其將索  
勒死吊起所在其驗官如何見得是自縊致死宜  
仔細也

多有人家女使人力或外人於家中自縊其人不曉  
法避見臭穢及避檢驗遂移屍出外吊掛舊痕移  
動致有兩痕舊痕紫赤有血痕移動痕只白色無

血痕移死事理其分明要公行根究聞坐生前與  
死後病蓋移屍不過杖罪若溺斃不具覆檢官不  
相照應申作兩痕官司必反見疑益重干連人之  
禍

屍首日久壞爛頭吊在上屍側在地內漬見骨但驗

所吊頭其縫若入槽

兩耳連筋  
向骨本者

及驗兩手腕

骨頭腦骨皆赤色者是

一云  
打大骨  
骨已  
紅

二十 被打勒死假作自縊

自縊被人勒殺或箠殺假作自縊甚易辨其自縊者

用繩索吊之項繫縛處交至左右耳後深紫色眼

合唇開手握齒露縊在喉上則舌抵齒喉下則舌  
多出胃前有涎滴沫唇後有糞出若被人打勒殺  
假作自縊則口眼開手散髮慢喉下血脉不行痕  
跡淺淡舌不出亦不抵齒項上肉有指爪痕身上  
別有致命傷損去處惟有生勒未死間即時吊起  
詐作自縊此稍難辨如跡狀可疑莫若檢作勒殺  
立限捉賊也

凡被人隔物或窓櫺或樹木之類勒死偽作自縊則  
繩不交喉下痕多平過却極深黑黯色亦不起于  
耳後髮間紋勒痕下死者結締在死人項後兩手

不垂下縱垂下亦不直項後結交却有背倚柱等處或把衫襟搗着即喉下有衣衫領黑跡足要害處氣悶身死

凡檢被勒併死人將項下勒繩索或是諸般帶絲臨時仔細聲說纏繞過遭數多是于項後當正或偏左右繫定須有繫不盡垂頭處其屍合面地臥為被勒時爭命須是揉撲得頭髮或角子散慢或沿身止有磕擦着痕

凡被勒身死人須看屍身四畔有扎磨蹤跡去處又有死後被人用繩索繫札手脚及項下等處其人

已死氣血不行雖被繫縛其痕不紫赤有白痕可  
驗死後繫縛者無血痕繫縛痕雖深入皮即無紫  
赤色但只是白痕有用火籠烙成痕但紅色或焦  
赤帶濕不乾

十一 溺死

若生前溺水屍首男仆臥女仰臥頭面仰兩手兩脚  
俱向前口合眼開閉不定兩手拳握腹肚脹拍着  
響溺死者身下有水沫及有些小淡色血污或有礫兩脚底皺白不  
脹頭唇紫頭與髮際手脚爪縫或脚著鞋內各有  
沙泥口鼻內有水沫及有些小淡色血污或有礫

爭奪人未定必項

未遑必項

25

若身上無痕面紫赤此是被  
人倒提水搥死

若屍面色微赤口鼻內有泥水沫肚內有水腹肚微

脹真足渾水身死

若同病患溺死則不計水之深淺可以致死身上別

無他故

若疾病身死被人拋掉在水內即口鼻無水沫肚內

無水不脹面色微黃肌肉微瘦

若因患側落泥渠內身死者其屍口眼開兩手微握  
身上衣裳并口鼻耳髮際並有青汚泥者須脫下  
衣裳用水淋洗酒噴其屍被泥水淹沒處即肉色  
微白肚皮微脹指甲有泥

若被人毆打殺死推在水內入深則脹淺則不甚脹  
其屍肉色帶黃不白口眼開兩手散頭髮寬慢肚  
皮不脹口眼耳鼻無水漚流水指爪罅縫並無沙  
泥兩手不拳縮兩脚底不皺白却虛脹身上有要  
害致命傷損處其痕黑色屍有微度臨時看驗若

檢得身上有損傷處錄其痕迹雖是投水亦令押  
合千人赴官司推究

諸自投井被人推入井自失脚踏井底皆大同小異  
皆頭目有被磚石磕擦痕指甲毛髮有沙泥腹脹  
側覆臥之則口內水出別無他故只作落井身死  
即投井推入在其間矣所謂落井小異者推入與  
自落則手開眼微開腰身間或有錢物之類自投  
井則眼合手握身間無物

大凡有故入井須知直下若頭在下恐被人趕逼或  
他人推入井



若是失脚須看失脚處土痕

自投河被人推入河若水稍深闊則無磕擦沙泥等  
事若水淺狹亦與投井落井無異大抵水深三四  
尺皆能湣殺人驗之果無他物只作落水身死則  
自投推入在其間矣若身有繩索及微有痕損可  
疑則宜檢作被人謀害置水身死不過立限捉賊  
切勿卹一捕限而貽罔測之憂

諸溺河池

行車者誤入河中

檢驗之時先問原申人

早晚見屍在水內見時便只在今處或自漂流而  
來若是漂流而來即問是東西南北又如何流到

此便住如何申官見其人落水即問當時曾與不曾救應若俾救應其人未出水時已死或救應上岸纔死或即申官或經幾時申官

若在江河陂潭池塘間難以打量四至只看屍所浮在何處如未浮打撈方出聲說在何處打撈見屍池塘或坎窞有水處可以致命者須量見淺深丈尺坎窞則量四至河江陂潭屍起浮或見處池岸并池塘坎窞係何人所管地名何處

諸所井之人檢驗之時亦先問元申人如何知得井內有人初見有人時其人死未既知未死因何不

與救應其屍未浮如何知得井內有人若是屋下之井即問身死人自從早晚不見却如何知在井內凡井內有人其井面自然先有水沫以此為驗量井之四至係何人地上其地名其處若溺屍在底則不必量但約八若干丈尺方撈屍出

屍在井內滿脹則浮出尺餘水淺則不出若出看頭或脚在上在下先量尺寸不出亦以丈竿量到屍近邊尺寸亦看頭或脚在上在下

檢溺死之屍水浸多日屍首胖脹難以顯見致死之因宜申說頭髮脫落頭目胖脹唇口皆張頭面連

通身上下皮色並皆一槩青黑視皮驗是本人在  
井或河內死後水浸經隔日數致有此今來無憑  
檢驗本人沿身有無傷損他故又定奪年頭形狀  
不得只檢本人口鼻內有沫腹脹驗得前件死首  
委是某處水溺身死其水浸更多日無憑檢驗即  
不用申說致命因依

初春雪寒經數日方浮與春夏秋冬不伴

與春來夏

初不

凡溺死之人若是人家奴婢或妻女未落水先已曾  
被打在身有傷今次入的然見得是自落水或投

井身死于格目內亦須分明具出傷痕定作被打  
復溺水身死

投井死人如不曾與人交爭驗屍時面目頭額有利  
刀痕又依舊帶血似生前痕此須看井內有破磁  
器之屬以致傷着人初八井時氣尚未絕其痕依  
舊帶血若驗作生前刀傷豈不利官

十一 驗他物及手足傷死

律云見血為傷非手足者其餘皆為他物故即兵不  
用刀亦是

○傷損條限手足十日他物二十日

關訟勅 諸毆人者依他物法

元符勅申明刑統以靴鞋弓人傷從官司驗定堅硬即從他物若不堅硬難作他物例

或額肘膝撥頭撞致死並作他物痕傷

諸他物是鐵鞭及斧頭刀背木桿棒馬鞭木柴磚石瓦缸布鞋襖底鞋皮鞋草鞋之類

若被打死者其屍口眼開髮髻亂衣服不齊整兩手不拳或有溺污內衣

若在辜限外死須驗傷處是與不是在頭及因破傷風灌汗致命身死

應驗他物及手足殺傷痕損須在頭面上胃前兩乳  
脇肋傷臍腹間大小便二處方可依要害致命去  
處手足折損亦可死其痕周匝有痕癰方是生前  
打損

諸用他物及頭額拳手脚足堅硬之物撞打痕損顏  
色其至重者紫黯微腫次重者紫赤微腫又其次  
紫赤又其次青色其出限外痕損者其色微青

凡他物打着其痕即斜長或橫長如拳手打着即

方圓如脚足踢比如拳手分寸較大小

物當以上牛物比凡打着兩日身死分寸稍大毒

氣蓄積向裏可約得一兩日後身死若是打看當下身死則分寸深重毒氣紫黑即時向裏可以當下身死

諸以身去就物謂之磕雖看無破處其痕方圓雖破亦不至深其被他物及手足傷皮雖傷而血不出者其傷痕處有紫赤暈

凡行兇人若用棒杖等行打則多先在實處其被傷人或經一兩時辰或一兩日或至三五日以至七八日十餘日者身死又有用堅硬他物行打便致身死者更看痕跡輕重若是先驅摔被傷人頭鬢



然後散拳踢打則多在虛怯要害處或一拳一脚便致命若因脚踢着要害處致命切須仔細驗認行兇人脚上有無鞋履防日後問難

凡他物傷若在頭腦者其皮不破即須骨肉損也若在其他虛處即臨時看驗若是屍首左邊損即是兇身行右物致打小故也若是右邊損即損處在近後若在右前即非也若在後即入慮兇身自後行他物致打貴在審之無失

看其痕大小量見分寸又有幾處皆可致命只指一重害處定作虛怯法要害致命身死

打傷處皮膜相離以手按之即響以熱醋罨上則有痕  
凡被打傷斃死人須定最是要害處致命身死若打  
折脚手限內或限外死時要詳打傷分寸闊狹後  
定是將養不較致命身死而須歲數臨時聲說

一凡驗他物及拳踢痕細認斜長方圓皮有微損未  
洗屍前用水洒濕先將葱白搗爛塗後以醋糟候  
一日除以水洗痕即出

若將椿木皮罨成痕假作他物痕肉爛損黑色四圍  
青色聚成一片而無虛腫捺不堅硬

又有假作打死將青竹篦火燒烙之却只有焦黑痕

又淺而光平更不堅硬

自刑

凡自割喉下死者其屍口眼合兩手拳握臂屈而縮

先人用手把定刀口肉色黃頭鬚緊

若用小刀子自割只可長一寸五分至二寸用食刀

即長三寸至四寸以來若用磁器分數不大逐件

器刃自割並下刀一頭尖小但傷着氣候即死

若將刃物自幹着喉下心前腹下兩脇肋太陽頂

門要害處但傷着膜分數雖小即便死如割幹不

深及不係要害雖三兩處未得致死若用左手刀

必起自右耳後過喉一二寸由右手心起自左耳

後傷在喉骨上難死蓋喉骨堅也在喉骨下易死

蓋喉骨不虛而易斷也

其痕起手重收手輕

如用左手把刀而傷則突右

中獨不如此是下刀太重新斷負痛手因

凡自割喉下只是一出刀痕若當下身死時痕深

一寸七分食系氣系並斷如傷一日以下身死深

一寸五分食系斷氣系微破如傷三五日以後死

者深一寸三分食系斷須頭鬢角子散慢

史看其人面愁而眉皺即是自割之狀

此云

若自用刀剝下手并指節者其皮頭皆瘳必用藥物  
封札雖是刀物自傷必不能當下身死必是暫養  
不殺致死其痕肉皮頭捲向裏如死後傷者即皮  
不捲向裏以此為驗

又有人曰自用口齒咬下手指者齒內有風着子瘡  
口多致身死少有生者其咬破處瘡口一道周圍  
骨折必有膿水滲浸皮肉損爛因此將養不殺致  
命身死其痕有口齒跡及有皮血不齊去處

驗自刑人即先問元申人其身死人是何色目人自  
刑時或早或晚用何刀物若有人來認識即自身

死人年若干在生之日使左手使右手如是奴婢  
即先訂契書看更問有無親戚及已死人使左手  
使右手並須仔細看驗痕跡去處

更須看驗在生前刀傷即有血行死後即無血行

北

殺傷

凡被人殺傷死者其屍口眼開頭髻寬或亂兩手微  
握所被傷處要害分數較大皮肉多捲凸皆透膜  
腸臟必出其被傷人見行兇人用刀物來傷之時  
必須牢記月日死處或手上有傷痕或有來護  
身亦必背上刀傷等處行兇人于虛怯要害處

一刀直致命者死人手上無痕其瘡必重若行兇  
人用刀物斫着腦上頂門腦角後髮際必須斫斷  
頭髮如用刀剪者若頭頂骨折即是尖物刺着須  
用手捏着兩骨損與不損

若尖刀斧痕上闊長內必狹大刀痕淺必狹深必闊  
刀傷處其痕兩頭尖小無起手并收手輕重鎗刺  
痕淺則狹深必透幹其痕帶圓或只用竹鎗幹着  
要害處瘡口多不齊整其痕方圓不等

凡驗被快利物傷死者須看元着衣衫有無破傷處  
隱對痕血點可驗

又如刀割傷腸肚出者其被傷處須有刀刃擦割  
三兩痕且一刀所傷如何却有三兩痕蓋凡人腸  
臟盤在左右脇下是以擦割着三兩痕

凡檢刀鎗刃所割須開說屍在甚處向掌着甚衣裳

上有無血跡傷處長闊深分寸透肉不透肉或腸

肚出帶膜出作致命處仍檢刀傷衣服穿孔如破

竹釘尖物戳傷致命便說尖硬物戳傷致死

此驗殺傷先看是與不是刀刃等物及生前死後痕

傷如生前被刃傷其痕肉間花文交出若肉痕拆

或只作是死後假作刃傷痕



如生前刀傷即有血汗及所傷痕瘡口皮肉血多

花鮮色所損透膜即死若先後用刀刀割傷處肉

色即乾白更無紅花也

蓋人死後血脈不行是以面色白也

此條仍責取行人足驗足與不是生前死後傷痕

活人被刀殺者其破刀處皮肉緊縮有血瘡四

畔若被走解者其破刀處皮肉鬆弛受刀處皮縮骨露

死人被割截死者皮肉如草血不凝瘡被割處皮不

緊縮刀盡處無血流其已曰縱痕下有血洗檢擠

抹肉色無清血出即非生前被刀

更有截下頭者活時斬下筋縮入死後截下項長

正不律縮

凡檢驗被殺身死屍首如是尖刃刀方說被刺要害  
若是斧頭刀物即不說刺字如被傷着肚下兩肋  
下或臍下說長闊分寸後便說斜深透內脂膜肚  
腸出有血污驗是要害被傷割處致命身死若是  
傷着心前肋上只說斜深透內有血污驗是要害  
致命身死如傷着喉下說深至項鎖骨損兼週迴  
所割得有方圓不齊去處食系氣系並斷有血污  
致命身死可說要害處如傷着頭面上或兩太陽  
一為角後髮際內如行兇人刀物大方說骨損若

腦漿出時有血污亦定作要害處致命身死如斫  
或刺着沿身不拘那裏若經隔數日後身便將養  
不較致命身死

凡驗被殺傷人未到驗所先問元申人曾與不曾收  
捉得行兇人是何色目人使是何刀物曾與不曾  
收得刀物如收得取索看大小着紙畫樣如不曾  
收得則問刀物在其處亦令元申人畫刀物樣畫  
訖令元申人于後下書押字更問元申人其行兇  
人與被傷人是與不是剋賊有無冤讐

十一

燒首異處

凡驗屍行異處勘家屬先辨認屍首務要仔細打量  
屍首頸處口至訖次量首級離屍遠近或左右或  
去肩脚若干尺寸支解手時脚腿各量別計仍各  
寫相去屍遠近却隨其所解肢體與屍相湊提湊  
首與項相湊圍量分寸一般係刀物斫落若項下  
皮肉捲凸兩肩井縫被生前斫落皮肉不捲凸兩  
肩井不縫被係死後斫落

### 火死

凡生前被火燒者其屍口鼻內有煙火兩手脚皆拳  
縮緣其未死前被火通奔爭口開若死後燒者

其人雖手脚拳縮口內即無烟火若不燒着而肘骨及膝骨手脚亦不拳縮

若因老病失火烧死其屍肉色焦黑或捲兩手拳曲臂曲在胸前而膝亦曲口眼開或咬齒及唇或有脂膏黃色突出皮肉

若被人勒死拋擲在火內頭髮焦黃頭面渾身燒得焦黃皮內指紋並無指漿縫皮去處項下有被勒着處痕跡

又若被刃殺死却作火燒死者勒作作拾起白骨扇去地上灰塵于屍背下淨地上用醋米醋酒潑若

是殺死即有血入地鮮紅色須先問屍首生前宿  
臥所在却恐殺死後移屍往他處即難驗屍下血  
色

大凡人屍或至或茅蓋或<sup>此</sup>被火燒其死屍在茅瓦之  
下或同與人有等東勢推入燒死者其死屍則在  
茅瓦之上或驗頭足亦有向至

如屍被火化盡只是灰無條段骨殖者勒行人鄰誣  
供此級上件屍首或失火燒<sup>燬</sup>或被火燒<sup>燬</sup>即無  
屍<sup>身</sup>存在委是無憑檢驗之與備中  
屍<sup>身</sup>被燒死人先問元凶火從何處起火起時其

人在甚處因何在被被火燒時曾與不曾救應仍  
根究曾與不曾與人作鬧見得端的方可檢驗或  
檢得頭髮焦拳頭面連身一槩焦黑空申說今來  
無憑檢驗本人沿身上下有無傷損他故及定奪  
年顏形狀不得只檢得本人口鼻內有無灰燼委  
是火燒身死如火燒深重實無可憑即不要說口  
鼻內灰燼

湯潑死

凡被熱湯潑傷者其屍皮內皆析皮脫白色着肉者  
亦白肉多爛赤

如在湯火內多是倒臥傷在手足頭面胸背如因鬥  
打或頭衝<sup>注</sup>腳踏手推在湯火內多是兩後跌與聲  
眼上或有打損處其炮不甚起與其他所燙不同

廿八 服毒

凡服毒死者屍口眼多閉而<sup>注</sup>紫黯或青色唇紫黑手  
足指甲俱青黯口眼耳鼻間有血出

其者遍身黑腫面作青黑色唇捲發炮舌縮或裂折  
爛腫微出唇亦爛腫或裂折指甲尖黑喉腹脹作  
黑色生炮身或青斑眼突耳鼻口內出紫黑血鬚  
髮浮不堪洗未死前須吐出惡物或瀉下黑血穀



通腫突或大腸穿出

有空腹脹服毒惟腹肚青紫而唇指甲不青者有食飽後服毒惟唇指甲青而腹肚不脹者又有腹脹虛弱老病之人略服毒而便死腹肚口唇指甲並不青者却須參以他証

生前中毒而遍身作青黑多日皮肉尚有亦作黑色若經久皮肉腐爛見骨其骨點黑色

死後將毒藥在口內假作中毒皮肉與骨只作黃白色

凡服毒死或時即發或當日早晚若其藥慢即有一

日或二日發或有胡吐或吐不絕仍須于衣服上  
尋余藥及死坐處尋藥物器口之類

中蟲毒遍身上下頭面胸心並深青黑色吐脹或口  
內吐血或糞門內瀉血

鼠莽草毒江南有之亦類中毒<sup>上</sup>加之唇裂齒齦青黑  
色此毒經一宿一日方見九竅有血出

食果實金石樂毒者其死上下或有一二處赤腫有  
頭赤手傷痕或成大片青黑色爪甲黑身體肉縫  
皆有血或腹脹或瀉血酒毒腹脹或吐瀉血  
此皆為毒得一伏時遍身發小<sup>上</sup>起作青黑色眼睛

筆出舌上生小刺炮綻出口唇破裂兩耳脹大腹  
肚膨脹糞門脈結十指甲青黑

金蚕蠱毒死屍瘦劣遍身黃白色眼睛塌口齒露出  
上下唇縮腹肚塌將銀釵驗作黃浪色用皂角水  
洗去

一云如是只身體脈皮肉似汚火炮起漸次為膿舌  
頭唇鼻皆破裂乃是中金蚕蠱毒之狀

如因吐瀉更弱皮膚微黑不破裂口無血與糞門不  
出乃是飲酒相反之狀

如服毒中毒死人生前喫物壓下入腸臟內試驗無

証即白飯道內試其色即見

凡檢驗毒就屍間有股毒已久發積在內試驗不出者須先用銀釵探入先人口訖却用熱糟醋自下指洗漸漸向上須令氣透其熱蒸黑色始現如便將熱糟醋自上而下則其毒氣通熱氣下不復可見或就糞門上試探則用糟醋當反是

又一法用大米或占米三升炊飯用淨糯米一升淘洗了用布袋盛就所炊飯上炊釐取雞子一箇鴨子亦可細破取白拌糯米飯令勻依前一起煮在前大米占米飯上以手三指緊握白米飯如鴨子

一、大母令冷急開屍口齒外放着及用小紙三五張搭遮屍口耳鼻臀陰門之處仍用新綿絮三五條醃醋三五升用猛火煎數沸將綿絮放醋窩內炙半時取出仍用糟鹽卷屍却將綿絮蓋覆若是死人生前被毒其屍即腫則口內黑臭惡汁噴來綿絮上不可近後除去綿絮糯米飯被臭惡之汁亦黑色而臭此是受毒藥之狀如無則非也試驗糯米飯封起申官府之時分明開說此檢驗訣曾經大理寺看定

廣南人小有爭怒賴人自服胡蔓草一名斷腸草形

如何魏葉尖長條蔓生服三葉以上即死乾者收  
藏經久作末食亦死如方食未久將大糞汁灌之  
可解其草近人則葉動將嫩葉心浸水涓滴入口  
即百竅潰血其法急取抱卵不生雞兒細研和麻  
油開口灌之乃盡吐出惡物而甦如少遲無可救  
者

**廿九** 病死

凡因病死者形體羸瘦肉色痿黃口眼多合腹肚低  
陷兩眼通黃兩拳微屈髮鬢解脫身上或有新舊  
鍼灸痕餘無他故即是因病死

凡病患求乞在路死者形體瘦劣肉色痿黃口眼合  
兩手微握口尚焦黃唇不蓋齒

邪處中風卒死屍多肥白色微黃口眼合頭髮紫口  
內有涎沫逆身無他故

卒死肌肉不陷口鼻內有涎沫面色紫赤蓋其人未  
死時涎壅于上氣不宣通故面色及口鼻如此

卒中死眼閉睛白口尚開牙關緊閉有口眼喎斜并  
口兩角肌肉涎沫流出手腳拳曲

中時風死必肥肉多涎白色口眼皆閉涎壅逆于  
死于邪聚其處不在手肥瘦兩手皆握手背爪甲

多青或華風如發驚搐死者，眼多眵斜手足不  
拳細臂屈手足細小涎沫亦流

以上三項大略相似更燠合時子細分別

傷寒死適身紫赤色口眼開有紫汗流唇亦微綻手  
不握拳

時氣死者眼閉口開遍身黃色量有薄皮起手足伸  
中暑死多在五六月眼合舌與龔門俱不出而身  
白色

夏死者面色黃口內有涎沫牙齒硬身直而手足  
伸時用酒洗得少熱氣



兩腮紅面如芙蓉色口有涎沫出其涎不粘此則  
凍死証

僵候死者渾身黑瘦硬直眼閉口開牙關緊禁手脚  
俱伸

或疾病死值春夏秋初中得遲經隔兩三日肚上臍  
下兩脇肋骨縫有微青色此是病人死後經日變  
動腹內藏污發作攻注皮膚致有此色不是生前  
有他故切上子細

凡驗病死之人纔至檢所先問元中人其身死人來  
自何處幾時到來幾時得病曾與不曾申官取責

口詞方無人識認如收得口詞即須問元忠是何  
疾病年多少病得幾日方申官取問口詞既得口  
詞之後幾日身死如無口詞則問如何取口詞不  
得若是奴婢則須先討契書看問有無親戚患是  
何病曾請是何醫人吃甚藥曾以不曾申官取口  
詞如無則問不責口詞因依然後對衆証定如別  
無他故只取衆定驗狀稱說這身黃色骨瘦委是  
生前因患是何病致死仍取醫人定驗疾色狀一  
紙如真的衆証則病身死分明元初雖不曾取責  
口詞但不是非理致死不須牒官復驗

三 鍼灸死

須勾醫人驗鍼灸處是與不是穴道雖無意致殺亦須說顯是鍼灸殺亦可科醫不應為罪

三十一 割口詞

凡抄割口詞恐非正身或以他人偽作病狀代其飾說一時不辨認合於所狀內云日後或死亡中官從條檢驗庶使豪強之家預知所警

三十二 論罪因

凡驗諸處獄中非理致死囚人須當徑申提刑司即時人發遣鋪

受杖死

定所受杖處瘡痕闊狹看陰囊及婦人陰門并兩脇  
肋腰小腹等處有無血瘀痕

小杖痕左邊橫長三寸闊二寸五分右邊橫長三寸  
五分闊三寸各深二分

大杖痕左右各方圓三寸至二寸五分各深三分各  
有膿水兼瘡週迴亦有膿水淹浸皮肉潰爛去處  
背上杖瘡橫長五寸闊三寸深五分如日淺時宜說  
兼瘡週迴有毒氣攻注青亦鱗皮緊硬去處如日  
數多時宜說兼瘡週迴亦有膿水淹浸皮肉潰爛

去處將養不較致命身死

又有訊腿杖而荆杖侵及外緊而死者尤須細驗

跌死

凡從樹及屋臨高跌死者看枝柯掛攀所在并屋高低脚處蹤跡或土痕高下及要害處須有低物或物磕擦痕癢若內損致命痕者口眼耳鼻內空有血出若傷重分明更當仔細驗之傷處撲落處高低大尺

二十三 溺壓死

凡被塌壓死者兩眼睜出舌亦出兩手微握遍身死

血淤紫黯色或鼻有血或清水出傷處有血瘀赤  
腫皮破處四畔赤腫或骨并筋皮斷折須壓着要  
害致命如不壓着要害不致死死後壓即無此狀  
凡檢舍屋及牆倒石頭脫落壓着身死其屋沿身處  
怯要害去處若有痕損須說長闊分寸作堅硬物  
壓痕仍看骨損與不損若樹木壓死要見得所倒  
樹木斜傷著痕損分寸

三十一 外物壓塞口鼻死

凡被人以衣服濕紙搭口鼻死則腹乾脹  
此人以外物壓塞口鼻出氣不得後命絕死者眼

開睛突口鼻內流出清血水滿面血瘀赤黑色齒  
門突出及便溺污壞衣服

一十七  
硬物癰瘡死

凡被外物癰瘡死者肋後有癰瘡著紫赤腫方圓三  
寸四寸以來皮不破用手揣捏得筋骨傷損此最  
為虛怯要害致命去處

一十八  
牛馬踏死

凡被馬踏死者屍色微黃兩手散頭髮不慢口鼻中  
多有血出痕黑色被踏要害處便死骨折腸臟出  
若只築倒或踏不着要害處即有皮破癰赤黑痕

不致死

牛角觸着若皮不破傷亦赤腫觸着處多在心頭胸前或在小腹脇肋亦不可拘

三十九

車輪拶死

凡被車輪拶死者其屍肉色微黃口眼開兩手微握

頭髻緊

凡車輪頭拶着處多在心頭胸前并兩脇肋要害處處便死不是要害不致死

四十

雷震死

凡被雷震死者其屍肉色焦黃渾身軟黑兩手拳散



口開眼皺耳後髮際焦黃頭髮披散燒着處皮肉  
緊硬而攣縮身上衣服被天火燒爛或不燒傷損  
痕跡多在腦上及腦後腦縫多開鬢髮如焰火燒  
從上至下時有手掌大片浮皮紫赤肉不損胃項  
背膊上或有似篆文痕

虎咬死

凡被虎咬死者屍肉色黃口眼多開兩手拳握髮髻  
散亂糞出傷處多不齊整有血舐齒咬痕跡  
虎咬人多咬頭項上身上有爪痕挫損痕傷處成  
窟或見骨心頭胸前臂腿上有傷處地上有處跡

勒盡正盡出虎跡并勒村甲及傷人處隣人供責  
為証

蛇蟲傷死

凡被蛇蟲傷致死者其被傷處微有齧損黑痕四畔  
青腫有青黃水流毒氣灌注四肢身體光腫面黑  
如檢此狀定作毒氣灌著甚處致死

酒食醉飽死

凡驗酒食醉飽致死者先集會首等衆勒作行令  
用醋湯洗檢在身如無痕損以手拍死人肚皮  
脹而響者如此即是因酒食醉飽過度腹脹心脚

致死仍取本家親的骨肉供狀述死人生前喫酒多少致醉及取會首等狀今來喫酒多少數目以驗致死因依

**四十一** 醉飽後築踏損死

凡人吃酒食至飽被築踏內損亦可致死其狀甚難明其屍外別無他故唯口鼻竅門有飲食并糞帶血流出遇此形狀須仔細體究曾與人交爭因而築踏見人照証分明方可定死狀

**四十二** 男子作過死

凡男子作過太多精氣耗盡脫死于婦人身上者真偽

不可不察真則陽不衰偽者則痿

四十六 遺路死

或是被打死替扛在路傍者正只申官作遺路死屍  
須仔細檢驗如有痕跡合申官多方體訪

四十七 死後仰臥停泊微有赤色

凡死人項後背上兩脇後腰腿內兩臂上兩腿後兩  
脚腠兩脚肚子上下微有赤色  
之本人身上後一向仰臥停泊血脈墜下必有此  
微赤色却不是別致他故身死

四十八 死後蟲鼠犬傷

此人死後被蟲鼠傷即皮破無血破處週迴有蟲鼠  
嚙痕蹤跡有皮肉不齊去處若狗咬則痕跡粗大

四十九 發塚

驗是某向墳園長闊多少被賊人開鋤墳上狼籍鋤  
鋤開深尺寸見板或開棺見屍勒所報人具出死  
人元裝着衣服物色有甚不見被賊人偷去

五十 驗鄰縣屍

凡鄰縣有屍在山林荒僻處經久損壞無皮肉本縣  
已作病死檢了却牒鄰縣覆蓋為他前檢不明于  
心未安相攀覆檢有如此類莫若據直申其屍見

有白骨一<sub>塊</sub>手足頭全並無皮肉腸胃驗是死經  
多日即不見得因何致死所在屍骨未敢給付埋  
殯申所屬施行不可被公人結作無憑檢驗

三十一

辟穢方

二神湯能辟死氣

蒼朮

二兩六錢水

白朮

兩半

甘草

兩半

右為細末每服二錢入鹽少許點服

辟穢丹能辟穢氣

麝香

少

細辛

兩半

甘松

兩一

川芎

兩二

右為細末蜜丸如彈子大久寄為妙每用一丸

燒之

蘇合香丸每一丸含化辟惡

五十二救死方

若縊從早至夜雖冷亦可救從夜至早稍難若心下  
溫一日以上猶可救不可亂絕但欬欬抱解放臥  
令一人踏其兩肩以手拔其髮常令緊一人微微  
一捫整喉嚨依元以手擦胸上散動之一人磨擦臂  
足屈伸之若以僵仆漸強屈之又按其腹如此一  
飯久即氣從口出復呼吸眼開勿苦勞動又以少  
官桂湯及粥飲與之反潤咽喉更令二人以筆管

吹其耳內若依此救無有不活者

又法緊用手罨其口勿令通氣兩時許氣急即活

又用皂角細辛等分為末如大豆許吹兩鼻孔

水溺一宿者尚可救搗皂角以綿裹納下部內須臾  
出水即活

又屈死人兩足着人肩上以死人背貼生人背擔走  
吐出水即活

又先打壁泥一堵置地上却以死者仰臥其上更以  
壁土覆之止露口眼自然水氣翕入泥間其人遂  
甦洪丞相在番陽有溺水者身僵氣絕用此法救



即甦

又炒熟沙覆死人面上下着沙只留出口耳鼻沙冷濕又換數易甦

又醋半盞灌鼻中

人綿裹石灰納下部中水出即活

又倒懸以好酒灌鼻中及下部

又倒懸解去衣去膝中垢令兩人以篳管吹其耳

又急解死人衣取手膝上灸百壯

喝死於行路上旋以刀器掘開一穴入水橋之却取

朝漿以灌死者即活

中喝不省人事者與冷水吃即死但且急救竈間微  
熱灰壅之後以稍熱湯蘸手巾熨腹脇間良久熱  
醒不宜便與冷物喫

凍死四肢直口禁有微氣者用大鍋炒炭令煖袋成  
熨心上冷即換之候口開以溫酒及時粥稍與之  
若不先溫其心便以火炙則冷氣與火爭必死

又用皂莢葉薦捲之以索繫令二人相對踏令滾轉  
法來如衲毡法候四肢溫即止

死不得用燈火照不得近前急灸多殺人但病者  
實足畏死是時指時及壅口而必活

魔不省者移動些小臥處徐徐喚之即省夜間魔者  
元有燈即存元無燈切不可用燈照

又用筆管吹兩耳及取病人頭髮二七莖撚作繩刺  
入鼻中

又鹽湯灌之

又研韭汁半盞灌鼻中冬用根亦得

又灸兩足大指聚毛中三七壯灸毛乃聚指上七處

又皂角末如大豆許吹兩鼻內得嚏則氣通三四日  
者尚可救

中惡客忤卒死

凡卒死或先病及睡臥閉忽然而絕者皆是中惡也  
用韭黃心于男左女右鼻內刺入六七寸令目開  
血出即活

視上唇內沿有如粟米粒以鍼挑破

又用皂角或生半夏末如大豆許吹入兩鼻

又用羊屎燒烟薰鼻中

又綿浸好酒半盞于按令汁入鼻中及提其兩手令  
驚須臾即活

又灸膻中百壯吹鼻中皂角末或研韭汁灌耳中

又用生薑搗研取汁一盞灌之

殺傷

凡殺傷不透膜者乳香沒藥各一皂角子大研爛以小便半盞好酒半盞同煎通口腹服然後用花蕊石散或烏賊魚骨或龍骨為末傅瘡口上立止

推官宋瑑定驗兩處殺傷氣偶未絕亟令保甲各取葱白熟鍋炒熱遍傅傷處繼而呻吟再易葱而傷者無痛矣曾語樂平知縣鮑芹及再會鮑曰葱白甚妙樂平人好鬪多傷每有殺傷公事未暇詰問先將葱白傅傷損處活人甚多大辟為之減少出張聲遠經驗方

胎動不安

凡婦人因爭鬪胎不安腹內氣刺痛脹上喘者

川芎

一兩半

當歸

兩半

右為細末每服二錢酒一大盞煎六分炒生薑  
少許在內尤佳又用苧麻根一大把淨洗入生  
薑三五片水一大盞煎至八分調粥飯與服

驚怖死者以溫酒一兩盃灌之即活

五絕及撲打卒死等但須心頭溫煖雖經日亦可救  
先將死盤屈在地上如僧坐狀打令一人將死人頭  
髮控放低用生半夏末以竹筒或紙筒筆管吹在



五絕云、小注

辛姜酒去潮藥倒  
及鬼眼死若肉未  
冷急以酒調蘇香  
同清入口若下喉去  
可合

鼻內如活却以生姜自然汁灌之可解半夏毒

五絕者產魃經魔溺

治法方  
牛黃一味

五十三 驗狀說

凡驗狀須開具死人屍首元在甚處如何頓放彼處  
四至有何衣服在彼逐一各檢劄名件其屍首有  
無雕青灸癰痕舊有何缺折肢體及偃僂拳跛禿  
頭青紫黑色紅痣肉瘤蹄腫諸般疾狀皆要一一  
于驗狀聲載以備証驗詐偽根本原推勘及有不  
得姓名一屍首後有骨肉陳埋者便要驗狀證辨  
觀之今之驗狀若是簡略具述不全致命久速照

明人喜刻書而六不  
月守其旧故而刻  
往矣於古即如  
書錄刻刻之可謂  
矣而古錄故也志第  
命設條目何即余  
而檢之是國乃日於  
律令之載有洗冤  
錄一卷之無不更其  
年矣亦不志之非从  
此而考之殆如指  
目而之矣蓋其  
下然且一不志耳故日  
云一志也無不更其  
之矣二相以校而  
其未之也亦何得  
下乃世大月  
其五之微

用况驗屍首本緣非理獄囚軍人無主死人則委  
官定驗兼官司信憑檢驗狀推勘何可疎略又况  
驗屍失當致罪匪輕當是行者切宜究之

洗冤錄舊刻不多見得見覆刻今已鮮世

傳者非其本今書矣余亦舊藏宋提刑洗冤集

錄五卷前有聖朝頒降新例幾條載大德云

故定是元刻茲胡文煥復本文理略同殊多

脫誤且改易卷第因手校之庶可謂也復

宋提刑  
新刻洗冤錄卷之五

三陽書局